

四庫全書

史部

欽定四庫全書

欽定熱河志卷二

天章二

聖祖御製詩

塞外對雨

初集

奮雷殷殷鳴大澤
飛雨千山萬山白
草色花香濯更新
荒岡處處流泉脉
回望神京接塞雲
雨聲應得四郊聞
黍苗翼翼平疇遠
多少農人話夜分

塞北早秋

萬馬邊聲合，千旂嶂口開。
霜威隨出塞，秋色壯登臺。
雁度連營去，鷹呼絕嶽回。
蒼茫雲海月，永夜照龍堆。

興安夜

連峰橫亘塞東西，綈幕高臨百尺梯。
坐覺銀河天際近，仰看珠斗夜深低。

夏日口外寄宮中 二集

翠蓋鸞旌出，平明刻漏同。
油雲驅暑氣，時雨引清風。
山

脈經年秀泉形此日充
遙遙千里外回首憶深宮

養病塞北

寒蟬鳴野樹旅雁過秋蓬
嶺外皆紅葉城邊有綠桐
身虛苦夏熱多病愛清風
山色猶然在人顏漸不同
幸無烽火事喜有智神功

古北塞上望月

挂樹清光挂碧天
雲開萬里塞無烟
遠人向背由敷政
惟在籌邊與任賢

口外中秋

荒外天低夜有霜
一輪明月照蒼涼
不貪玉宇瓊樓看
獨在遐陬理外疆

塞外新秋

三集

松塞雲峰轉邊陲
秋氣長楓林消溽暑
柏葉送清香禾黍
黍宜闕外情懷喜
夜涼年豐還重穀
處處有餘糧

夜聞雷雨大作曉賦志喜

秋成望澤意懸懸
駐蹕山莊已數天
雷送溪聲連夜雨

鑪凝香霽潤鸞牋開襟漏報殘鐘曙破夢茶敲活火煎
半百無文惟自樂頻教心地作清連

賦得綠樹陰濃夏日長

綠槐影蔭碧紗厨茂樹紛紛葉漸殊
綿雨新霖消九夏薰風初熟未三驅
未垂蟬咽濃陰下修景雲開炎暑無
長日山中吟詠畢氣清塞外鄙涼珠

古戍三絕

隱隱山頭皆古戍中原民力盡邊城曾聞父老經年戰

回首生靈血淚盈

其二

金甌永固識人和
萬里烽烟發興多
設使山林有暗曉
更須太息論如何

其三

舊日山中罷馬歎
今時避暑樂清風
窮兵豈若為觀德
仁義無私八表同

賦得雨灑石壁來

潤葉隨風洗綠枝
羣峰著雨盡離披
陰霖又念農家業
事事何煩先預知

每日屆炎暑即赴口外掖

輦視膳朝夕溫清自初夏

皇太后偶爾違和故不至此清涼之境因詠懷一首敬書

于簏頭恭

進以接清風而舒遠慕之微悃而已

遙想京中暑氣闌猶思上苑有冰紈
山莊咫尺何曾遠

欲進瑤池一笑看

避暑駐蹕山莊六月間陰霖少晴自立秋日晴霽

喜懷

亢陽望十雨霑雨思晴天累日貫秋序終朝潦水絛身
雖無暑汗心實抱迍邐忽覩西風緊油雲逐嶺巔

山莊夜雨聽灤河溜聲

臨流震耳似驚潮滾滾泠泠眺綺寮夜色初分秋景霽
風聲已送積霖飄皆因百壑歸來遠非是孤川自去饒

何比長江無棄物小河水涸豈容梳

山莊書懷賜大學士

待旦勤勤望雨晴京南塞北察安氓已知雲斂無霖潦
未卜田間有稻稭八月秋成歡宇內四方風景解春卿
大川舟楫同憂憾更覺凝承信洛英

賦得山林引興長

四集

曾讀杜詩解紛紛議論多遇時非泰運行道至蹉跎托
迹山林趣披懷水石歌千年賦比興後世豈能過

詠夏

甘泉日永秩南訛清氣重雲入句多性理精研過盛夏
豈因白首廢編摩

其二

信風已盡接朱明長養春容草木亨
漱露調冰消暑氣
何如心靜則神清

山居即事

清商方至催蟬急林葉吟風暑漸違
三伏炎蒸纔過半

山居徧地喜禾苗

秋幸出郊見收成志喜

節屆商秋早農忙屢歲豐柴門歌再稔比屋樂同風
人煙多慶色霜樹雜微紅極目高低景山川一望中

其二

滌暑高風至中分白露微草肥宜收馬林薄好行圍
水向階前注峯排雲外稀斜陽臨帳殿晚色秘天機

賦得冬日可愛

復卦初生處景隨玉管回前旗分鳥道後仗向龍堆愛
日冬偏暖臨橋冰未開寬河行幸地越嶺少塵埃

京中報到霖雨普霑

亢陽愁久旱霖雨滿溝渠倏枯枝潤須臾卷葉舒千
村勤穡穡萬頃足犁鋤企望收成後欣看穀賤書

夏至

山莊逢夏至齋戒禁中同翠渚萍先綠荷池花未紅葛
衣求體便蔬食養心功偶得因幾暇偷閒碧樹叢

山中自詠

一生何事不斟量老至偷閒自可傷
倦體每思依石憩俗情且喜對山忘
春容無計尋方便荏苒誰能駐景光
濯足滄浪清水在企思歸詠舞雩傍

山居

迎薰避暑駐山莊四顧重重邱壑長
雨後雛鶯歌密樹風前練雀舞斜廊
靜觀得趣無非景佳興涵虛可致涼
烹茗汲泉清意味箇中誰解有真香

喜嶺外水土

霜凝肥草淨無塵處處泉源漾碧津
食少事多宵旰老
暫偷閒暇養吾身

世宗御製詩

夏日泛舟

殿閣風生波面涼
溯洄徐泛芰荷香
柳陰深處停橈看
無數纖條戲碧塘

晚泛

畫撓閒泛暮霞明
風細波微暑氣輕
更轉碧山尋勝蹟
恰逢雙鶴似相迎

月下閒步

閒行曲岸邊
西嶺暮蒼然
草蔓迷幽徑
橋危咽細泉
溪風吹緩帶
夜色逼吟肩
徙倚看林杪
雲間月影遷

觀雨

密雨如膏灑碧絲
稻花漠漠遠長陂
虛齋睡起推窓看
私喜甘霖正及時

前廊

曲廊斜轉接修簷坐倚層巖意興長
細草敷榮侵搨綠
野花爭艷襲衣香
碧梧枝上聽蟬噪
翠柳隄邊看鶴翔
此際閒身無一事
怡然嘯詠自徜徉

書齋秋暄

幽齋新雨後
爽氣泛池荷
碧落疎星淡
晴窓皓月多
隔花聞漏滴
倚枕和漁歌
更愛流螢好
悠揚拂檻過

扈

蹕途中觀穫

秋爽獵邊城，天高氣象清。
登場占物候，觀穫暢
皇情。巖谷縈車騎，雲霞拂旆旌。
豫游叨扈從，薄劣愧
思榮。

塞外中秋

駐蹕邊庭夜，中秋一鏡圓。
遙從滄海畔，飛落碧峯巔。
溢彩浮堯箏，流輝拂舜筵。
坐深光愈迴，景物倍清妍。

塞外秋興二首

金史卷之二
卷二
路出關山外秋空日漸高
清霜凝曉旆寒色透征袍
風勁飛鷹捷川長獵騎豪

皇威揚四遠邊徼戢弓刀

其二

駐蹕依林麓風多野水鳴
旌旗飄暮靄鏡吹咽邊聲
雞塞霜逾白龍沙月更清
卻看

行殿外諸部盡歡迎

避暑口外

爽塏高原古上都鬱蒸節候熱全無千尋木蔭招涼扇
幾道泉飛辟暑珠時任鏤冰為鳥獸灣從銷夏泛菰蒲

銷夏灣在吳郡洞庭西山

何如此地隨

仙蹕披拂清風勝舞雩

口外山村

鳥外窺烟樹微茫磧路斜地寒宜種黍坡暖好栽瓜
比戶栽駝褐居人置兔置誰將淳樸意傳寫入中華

田家即事二首

沙磧高低禾黍盈羣飛銅雀遠田鳴竹弓蒿矢堪驅嚇
漫向黃雲試射聲

其二

戎烽罷舉息征塵肆力耕耘屬幸民榆柳陰疎秋社近
綠邊笳鼓賽田神

塞上晚眺

倒影餘霞麗晴沙入望平千峯含暮靄萬幕起秋聲度
壘牛羊下歸鞍雉兔盈割鮮將進酒邊月照高旌

雨後

涼雨晴偏好，邊秋氣轉清。
虹從林杪斷，月傍隴頭生。
落葉飄含潤，回沙溜有聲。
仰觀羣雁度，寒影貼雲明。

途次暑雨

決滸夏雲屯，滂沱塞雨繁。
繞渠沙路淨，注澗石泉渾。
鸛浴依邱垤，駝鳴傍水源。
涼颿起林末，吹入小行軒。

山頂船樓

樓居製倣船，居好山檻風。
如水檻多飄，渺千峯翻翠浪。

怒號萬木吼蒼波
晴霞片片開帆影
禽鳥聲聲唱棹歌
閒拄一篙雲外泛
青松白石任吟哦

早起寄都中諸弟

曉起輕寒透薄帷
風光節物暗催移
正當邊塞秋臨早
況是關山月落遲
一雁孤鳴驚旅夢
千峯攢立動詩思
鳳城諸弟應相憶
好對黃花泛酒卮

熱河閒詠七首

塞北開

行殿窓臨萬壑松雲封雙塔嶺烟鎖磬鍾峯飄渺層巒接
盤迴曲徑重紅塵難到處何事不從容

其二

一人臨塞北萬里息邊鋒朽木含生意閒花逞冶容
變魑潛隱跡虎豹盡藏踪羣動無紛擾惟聞響梵鐘

其三

避冗原無意搜奇念久灰境幽饒野趣山靜絕浮埃
馴鹿時來去閒雲自往回長年願養得何畏景光催

其四

卜居豈為避三庚，巖壑幽深氣象清。
絕頂蒼松多古韻，前川皓月倍常明。
薄衾坐擁渾忘我，高枕歌吟別有情。
萬籟寂然銀漢轉，一聲破夢曙鐘鳴。

其五

泠泠碧澗勝絲竹，疊疊蒼崑列畫圖。
異卉手拈陳几案，野蔬親摘付庖厨。
閒中隨展經千頁，睡起新烹茶半壺。
莫謂超羣解遺世，廟堂清福一慵愚。

其六

山深地僻塵囂隔斜陰
茆堂百尺松石辟有斑
憑雨鑿柴門無鑰倩雲封
盤巖曲磴留麋跡繞砌平沙印鶴蹤
夢覺南窗何所事獨吟獨酌儘從容

其七

閒來忘署兼忘我浩氣沖融貫太虛
城市山林君子宅山林城市帝王居
不尋仙客談元旨懶覓高僧講梵書
天地古今惟一嘯悠然自得自誰如

熱河道中

山色嵐光映馬韉，軟沙細草緩鳴鞭。
花開遍野時飛蝶，雲散晴空好射鳶。
孤店酒帘飄柳外，幾家溪水遶門前。
穿林暮返攜鋤叟，畧約歌斜度晚烟。

初夏扈

蹕熱河

行苑留

仙蹕層巒儼赤城，烟光濃樹色。
暑氣散泉聲，地僻花偏艷。

山深夢亦清
瞻依忻

聖豫風物慰

皇情

山亭

薦蘿滿樹帶烟垂
篩月梳風作幔帷
流水似琴還似筑
青山宜畫又宜詩
饑飈竊果緣枝捷
乳雉呼羣出草遲
獨倚石闌舒遠目
亭前幽谷起雲時

畫欄

薰風披拂畫欄東
照眼榴花爛熳紅
暑氣不親松閣內
清陰常在竹窻中
由來邱壑情堪寄
卽此蓬瀛路可通
次第藥階香
晚露纖纖新月上
梧桐

御製詩

曉行

辛酉

滴窮玉漏夜闌干
習習金風拂曉鞍
野馬出山涼氣肅
陽烏隱樹曙光寒
孤村犬吠門猶掩
古驛人行露未乾
一幅河陽秋旅意
不須重展畫圖看

耆民趙可立一百二歲矣扶兒迎謁道左尚能道
前朝事

龐眉皓髮扶鳩杖道左攜兒望翠華為說平生無外慕
村居勤撲課桑麻

山行

萬壑千巖宿霧封朝曦光射見重重霜前楓色丹猶嫩
霽後山容翠更濃烟鳴雲程頻借問農夫野叟每相逢
愛聽塞上傳聞語一百年來不舉烽

野渡

秋水添新漲晨光羃野烟
漂波沙失岸策渡馬為船
孤
止歸鴻集寒流絕塞連
蒼茫迷近遠源在白雲邊

涼

山行涼氣逼烟徑露華濡
村爨寒難起峰巒曉欲鋪
丹
黃楓葉染嘹唳雁聲呼
松雪傳真蹟邊關逆旅圖

秉燭待章奏未至

不為巡遊懈勅幾離宮
獨坐厘民依銀檠猶待封章至

鳥路應遲驛騎飛風裊爐香移夜漏月明虎帳正宵衣
今秋稍解祈年慮遍野黃雲擁六駝

新月

山靜秋深新月小揪梧風動驚栖鳥歸羣牧馬聽人呼唧
唧蛩音泣寒草猶憶去年太液池金波搖漾光琉璃飛觴
涕管詎不樂風餐露宿將何為將何為清歌一曲有所思
塞上曉行

馬踏霜華怯曉寒聲聲傳警列材官潺湲溪水行行渡

晷畫山峯面面看壯士試開弓五石高人猶卧日三竿
昇平閱武兼巡狩觸目吟懷興未闌

關山月

關山月秋倍明塞楓磧草涼颼生皎皎懸空漠海白沙蛩
霜雁寒聲并關山月今異昔烽烟久靖田疇闢不似當年戍
卒憶家鄉亦或戰場覆沒孤魂魄關山月昔異今即今秋
蒐乘興惟閒吟前車堪作後車鑒持盈保泰惕予心

霧

密鎖千林樹迷離暗曉光乍看平野白却失遠山蒼捲速
全消日收遲為護霜

塞上霧多則霜降遲

停鞭遙望處添得幾峰黃

馬上吟

白雲紅樹闌清秋盤鬱層巒紫翠浮霧捲馬頭山忽見
橋臨谷口水微流停鞭愛看邊鴻度隔峪時聞野鹿呦
笑我耽詩猶喜獵每逢佳景輿偏留

中秋夜對月

崖巔升玉魄流彩座中移明是今宵甚看尤邊塞宜桂

香初想處笳韻未終時猶憶幃城外秋思動者誰

塞上秋

塞遠朝逾冷霜濃曉倍晴千山紛葉落萬籟怨秋聲雲
淨天容濶秋澄眼界明御風懷列子襟袖颯然清

夜靜讀書

日暮促歸鞍龍堆夜氣寒銀燭輝幔屋玉魄上槍竿
把卷光明暎忘言子細看邊笳忽吹動幾處落梅殘

將軍塔爾岱久著勤勞養年私第今聞朕出口行

也 嶺

園不辭勞瘁而來詩以賜之

百戰歸來矍鑠身
凌烟姓氏竟誰倫
養閒合適林中趣
憐爾仍隨輦後塵
赫奕虎符叨寵舊
輝煌竹簡紀功新
為詢閱歷疆場事
幾度聞之厯念頻

塞上行

綠含眉黛遠山斜
點綴楓林襯彩霞
莫遣寒笳吹玉塞
更裁新句詠龍沙

野田積土有人耕
蕎麥收時秋麥生
謾道貳師能闢地

當年空築受降城

塞上中秋月似霜
收羣歌起疊伊涼
歸駝都載新蒐鹿
絕少征人夜望鄉

荒山時見有城闌
舊話翻驚入聽新
自是太平無戰伐
莫教歡樂忘艱辛

秋山

秋山雨霽別穠纖
觸目詩題逐便拈
落葉風前自滿灑
野蔬霜後更清甜
磧程遼濶行行遠
樹色丹黃日日添

射獵歸來迴望處紅霞猶遠數峯尖

聞畿輔雨澤霑足喜而有作

六飛迺遽閱西成已慰祈年午夜情封奏更聞霑渥澤
郊原秋麥想新耕

塞上秋景

盧龍風日寒況復臨素節芸黃帶露稀峯翠經霜潔宇
空雲影淡流冷泉聲咽風志慕高濤對此聊怡悅

霧行

金少隱先生集卷二
霧行那識山程遠
鳥道羊腸望轉紆
却似阮劉迷洞口
不知咫尺是方壺

晴

雲開山露翠
霜重樹添黃
北望塞千里
南飛雁一行
馬蹄歸路疾
詩思客途長
去去龍堆遠
微吟興渺茫

馬上口號

蕎麥收時秋麥青
駸駸羽騎別龍坰
一川郊墅靜朝旭
四面峯巒展畫屏

於章古台作

畋餘迴六轡行行歷村落
鵠日懸秋空虛籟吟幽壑
萬畝綠含菲千林黃墮穉
田饒稊穗遺戶有倉箱樂覽茲
一開顏幾多民命托

雨

油雲迷遠岫急雨落平川
飛迴如噴玉懸岩似響泉
待晴開幔屋撫景擘花牋
返照呈新霽山原轉淨妍

曉行

薄霧遙封迷客路
樹紅雲白暮秋時
鳴鞭未覺行來遠
兩岸蒼山叫畫眉

古寺

蘭若依然水石幽
層層屏嶂俯清流
苔封古塔全身現
塵閉禪房半偈留
鳥去山林餘暮靄
客來時節正深秋
如如色相如如在
重費闍黎苦募脩

曉日

曉日光寒白露淒
馬蹄藉草不沾泥
炊烟細裊村帘外

殘月猶懸嶺樹西塞上山川皆畫意途中風景盡詩題
楓林沙坂經行處不數蘇公十里堤

雨

山雨曉廉纖詩情觸目拈憑將遙黛洗微覺峭寒添
漬由歸轡溟濛下細簾白雲纔散處露出數峯尖

冷

地近邊關煖霜催節候寒却饒秋草綠間有早楓丹
雁字依南寫龍堆直北看平蹊堪策騎十里軟沙乾

曉景

癸亥

山隱金烏越峭寒谷迴曉景已三竿如茵似毯莎猶綠
欲墜還留露未殘人指青帘沽濁酒馬臨白汴飲清瀾
楓岑榭阪遲詩約塞上重吟一片丹

野老

野老抱兒立不知避星驂道傍思獻曝韭薤堆滿盤此
翁非任棠却似悟龐參

中元日作

谷口涼來夕靄橫
廣寒宮殿即瑤京
幻春火樹千枝燦
貼水金蓮萬朶榮
秋到中元纔約畧
月臨朔地倍光明
當時此日無來去的
河燈是證盟

山居

山居幽致許誰同
變態煙雲曉暮中
櫟子墜林疑驟雨
石泉赴澗似迴風
野花帶露全凝白
峯杳欺霜未作紅
只有蒼松無改度
晚來依舊月朦朧

鹿柴朝開野鹿來
相將孤鶴立莓苔
雲驅曉霧惟空宇

露下秋皋絕點埃
石劍攢青猶劣削
水衣縈碧任潺洄
擬將底事消清暇
雪色吟箋取次裁

巖腰軒閣俯高秋
徭倚如登百尺樓
野馬出山斜照沒
玉蟾上樹晚涼浮
目窮碧落心胷濶
袖引金飈今古收
只許詞臣伴清切
酣吟每每遞詩郵

熱河示扈蹕諸臣

秉燭批黃漏點移
豈因遊豫廢疇咨
當年鷄侶今猶在
應憶

仁皇避暑時

野渡

殘月斜風曉青山白水鄉渡溪回望處烟靄正迷茫

對月

虛庭人靜晚涼多弄影銀蟾拂女蘿一種離宮秋夜月
當時曾照繞梁歌

嶺峻還疑月出遲倚楹吟望恰移時却同昨歲新秋景
露滿金盤花滿枝

荒村

荒村臨野水環背多青山籬落何蕭疎
秋花帶露殷蝸舍晝逾靜鹿柴夜不闕
禾黍彌平疇薰葭颭曲灣木石與居處
黃白相往還借問是何境桃源非人間

曉行即景

篤速青驄越曉行雲途烟驛洒然清
疎星漸斂秋河影殘月遙連曙色明
野渡水寒無馬飲荒村人靜有雞鳴
朝嵐盡捲千峯紫極目郊原暢遠情

灩灩白露湛青莎日照如煙泛遠波古寺不聞清磬響
柴扉半掩野人歌菁蔥眉色迎青嶂替戾鈴聲過紫駝
何必伊涼尋舊譜磧程塞景入吟多

掛餅疊前韻

蘅皋掇菁藻羶室伴清嘉却喜多風韻偏宜對月華紛
披紅豔夥掩映綠叢斜還似文軒側微吟倚碧紗

雨

塞山旋雨復旋晴作陣靈風馬上迎忽過千絲迴望處

螺峯新沐一川明

蓊勃重雲生足底下山剛值雨漫空莫之敢指惟凝望
兩岫高高駕彩虹

誰把珠簾馬上垂謂宜畫也復宜詩捲雲片刻西風疾
青嶂重開霽後奇

雨衣宜瓦仍妨漏爭似氈廬雨不妨忽憶郊畿秋麥候
掉頭南望興徜徉

不借豐隆並雨師山靈自為洗山姿

塞上大山多著靈異凡較獵後必有

微雨俗云洗也愁跋涉非容易幸是多人止頓時
山亦奇事也

暮

下春隱桑榆槍竿橫夕靄轅門鳴鼓角周廬列旌旆獵
火燎平原人馬聲喧會時巡伊古重武備我朝最上

陵展積忱便途經塞外皇皇

祖宗業金甌鞏且泰來王無近遠奕世斯永賴治安吾多
慚繼序違敢懈

閱章奏

金方山先生集 卷二
勅幾豈為豫遊荒驛路馳來閣部章額幸公田歌樂歲
志期國士用賓王不教遊議清心鏡喜是嘉謀納耳黃
業業兢兢承重器

五朝仁治正光昌

塞上行

昔年今日此龍沙中外情聯久一家幾處荒荆餘敗壘
千秋興廢繫懷賒

露浥烟蕪欲作霜午衣猶熱曉衣涼皇州此際殘蟬咽

已見南飛雁一行

馬足馳馱踏馬鞍迴看天外矗槍竿山靈有問如何答
前歲詩盟未敢寒

丹楓翠柏妙山容野墅溪村也間逢最是牧羊估馬客
於今都識重良農

葆吹聲聲傍晚晚擬羶廬倚咏剪銀缸春風已度榆關外
謾唱涼州水調腔

山村

幾家負郭靜無塵矮屋踈籬野趣真門枕清溪聆灝瀾
窓舍翠嶂看嶙峋東流鎮日來西澗南舍常時候北鄰
最是烟霞足供養住山不是住山人

霧

塞山寒作霧明晦半峯分沾袂渾疑雨飛空似布雲隔
溪尋畧約近樹辨榆枌能遲嚴霜信農家想樂聞

路旁

路旁兩苾芻頭頂金經跪袞袞紅塵中曉曉殊未已迹

同獻賦來意為施檀起我聞佛無欲安事莊嚴美其徒
云苦行其師應不喜勞勞天下人名利網中死逃此乃
出家胡為復入此

靜坐讀朱子詩因效其體

龍沙萬聲息虎帳一燈閒理窟微能著心芽邪自閑清
風來巖表明月出林間妙道當前在憧憧空往還

行漏

行漏鳴丁丁晦明毫不爽循環十二時豈識有今曩而

人於其間却分去來想有智不如無對之增慨慷

熱

塞景渾無定午暄曉暮涼甫欣過嶺背便覺畏曦光看
樹全餘綠馳莎半染黃今年芻牧好共喜未沾霜

八月朔日作

形勝行行攬年芳歷歷收關山連北塞雲物近中秋輻
輳來諸部逶迤駕六虬近光陪後乘輸惴惴導前旂觀此
瞻依切寧予德澤流鴻猷思

祖業燕翼逮孫謀更喜隨

慈輦無妨視膳羞筵開親捧爵津渡手扶輶丙夜封章覽
良辰藻思抽詞臣隨豹尾壯士擁旄頭人帶秋陽色衣
霑湛露浮鄜京佳氣繞指日謁

珠丘

聞近京一帶得雨喜而有作

行旅慮久霖跋涉沾塗泥南畝種麥人方望秋雨滋自
我始于役二旬已有奇未遭滂沱苦率遇晴霽宜豈不

金少隱先生集卷二
利輜重中心有所思思彼隴畝間來牟正其時亢暘土
脈乾耰鋤將安施忽覽封章奏膏澤自天垂四郊一犁
雨雨公還及私良農既不悞塞路仍如茲雨暘各適可
孰非大造貽懸懸差已慰芄芄猶可期迴鑾歷綠疇應
有喜農詩

即事

輕輿緩過叢榆路曉煙濛濛迷白露荆籬土室學荒村
爽籟寒風叫枯樹樹旁迤邐獵騎過驚起爰爰樹根兔

壯士未及彎烏號深巷已見歇騎怒三窟乍失遭奮噬
犬主持獻迎驚輅還兔更命賜白金憐伊芹曝心殷注
見韋韞毳幕人似此輸忱實可賦

新月

節近中秋且未中生西已見半開弓一天素彩誰能賦
萬里寒光訝許同為問龍垓吟皎潔何殊松閣寫朦朧
前年塞景依然在不信流陰類轉蓬

夜雨

塞山能作雲峰頭幾縷布有滄始萋萋如絲肖霏霧數
日苦塵瑱喜此甘膏澍濕潤忽被野延綿乃入暮收馬
聲漸息啼蛩乍如訴欹枕聽淅瀝曠懷良可賦丙夜漏
點闌微見星河露明朝發征鞍清切秋煙路

弦月

塞天懸半鏡西嶺迂流蟾烏道微茫辨霜華取次添近
河光漸隱入樹影猶纖不必遲眠愛清吟意亦快

野流

野流西去復東來日日鳴鞭渡幾回
照水汀花紅爛漫
試霜江草綠髣髴匪同洛浦當年遇
用盡陳王八斗才
極目烟波方浩渺然疑源在白雲隈

閒

日往月來運不已寒暑遞催羌誰始
屈信相感本無心
橐籥萬物孰愈此自我東行今月餘
塞程正值清秋美
朝逐原獸控青驄夜覽封章蘭燄紫
行過村落詠桑麻
時坐溪頭捕魴鯉分棚較射燕嘉賓
更復行宮視甘旨

旁人云我身已勞我覺我心甚安止設使憧憧復搖搖
九重宴坐豈其是窮神至化我未能且學鄭崇心似水

夕

牧馬已斂羣行人率止頓萬幕旌幟別傍晚各歸趁山
靄送寒來陸露猶餘潤懷抱既已適翰墨差堪論去歲
松梢月依舊窻間印

鏡

滿月光明秋水流共人歡喜共人愁塞山磧草歸清照

個裏曾無一點留

暮雨朝晴

暮雨朝晴不悞行程朝晴暮雨有益未忝天地之大人
猶憾所欲必得羌何厭君不見得隴望蜀疇能免甑破
不顧人應鮮

八月十四日陰

璇霄桂魄欲圓時乍見鱗空天幕垂為恐多人動秋思
不教流影白榆枝

谷風初息嶺雲橫玉甍朦朧半掩晴不道豐隆偏解妬
織阿也讓十分明

碧空月御似遲留觸撥詩腸塞景收明日冰輪應滿放
一年能得幾中秋

陰

乙丑

有渰看萋萋千峯黯若迷問誰增旅况乍不辨前蹊景
寫米顛筆詩歌豕白蹄晚田猶待澤莫漫慮霑泥

間

行宮批答奏章還贏得山齋片晌閒心所忽教愁緒觸
晚田缺雨見途間

雨

塞山能作雲日暮馳蒼狗乍失天沘寥不辨峯前後祁
祁灑空宇霏霏沃林藪六蹕駐離宮啟我文紗牖匡床
遲寢息蘭席延俄久畿輔多望霖默禱常自咎況從京
國來所見率焦畝今年幸秋遲十日猶堪守是雨利豈
蕎聞諸田間叟賑恤澤豈溥祇恃天恩厚遑慮跋涉艱

跋涉時所有引領望闕南此際曾霑否

聞京師得雨喜而有作

九夏望甘霖愁多常罪已入秋始霑潤黍禾半蘇起農
人盼雨收趁種蕎靡靡胡乃復亢陽稗苗黃欲萎我從
都城來所見率如此縱修時巡典豈似覩豐喜五民坐

待賑不肯輕去里

去歲直隸頗有收又以前有司撫恤得宜故今夏雖旱而無流離凍餒之形

以此少

此情堪憫惻部例豈其是

舊例夏災不出九月今朕時巡見有歉形

無暇待九月施賑之例矣

徵租免正供平糶速遐鄙小補庸有濟思

膏實所恃出闕逢澤降京師卜何似喜接奏章來知渥
良田矣倚楹覺心舒傳餐識膳旨嗟嗟爾農夫錢鏐庶
堪序

秋曉

塞垣朝暮寒况值中秋月山空增料峭晨涼薄肌髮白
露在蘭苔輕烟霏荔埕匪盼洞庭波木葉亦微脫素心
淡空宇夜氣清明發金颼復颯沓峯嵐互出沒蕭然愜
襟抱極目碧天濶

秋窻夜雨

秋窻一夜雨淒其竹柏風聞漸瀝吹憶得去年今夕景
香生新桂伴吟詩

帶濕螢光暗裏流無眠支枕興悠悠征人漫賦漸漸石
多少良農慰有秋

曉行即景

樹色山容面面移鳴鞭畫意鎮相隨風沿谷口來偏速
日隔峯頭出較遲馬識塗尋剛淺渡鳥驚人向最高枝

前秋曉景分明會結還參不即離

沈家邨

午過沈家村茅簷隱叢枳耕農六七戶長年作鄰里生
予不知書有嬾惟修簋菽粟可果腹不羨肉食鄙布棉
可禦寒豈用求錦綺覽此太古風如入桃源裏山田有
餘地歲歲修耒耜一耕而一休種斂隨時舉叶却如東
坡言富人稼多美我來秋雨過禾黍香風起高低例繡
塍有秋底可擬風景異所經藉以稍慰喜尚聞村老言

近遠率如是金鞭不肯揚黃雲度演迤殷憂半去懷孰
非余赤子

風

著物欣含爽驅雲合放晴豈懷分別見因境愛憎生翼
翼催苗實蕭蕭助馬鳴高峯停轡處萬里向虛明

爽

北地風添勁鳴條叫野原送來迎袂爽散去鬱人暄峯
翠凝雲薄林丹綴露繁驂驛森七萃翊衛列千屯切景

吟龍塞懸清愛鳥瞰烟嵐開朗處濃疊故山存

新秋月

連日翳秋雲朦朧度哉魄今朝碧宇淨恰值上弦夕西
嶺掛銀鉤東岡映虛白隔林散疎影入水澄空跡嫦娥
作中秋益復饒光澤圓規底須盼塞景聊堪適

塞上山

層峯高矗覺天低蔚綠縈丹霽景霽樹列周崖成鹿柴
花披亂錦點霜蹊經時幾欲忘龍塞佳處還教遲馬蹄

自古詩人多未到獨留生面待誰題

關山月四首

林中策杖雅宜騷客之招座上停杯聿稱詩人之
問況乎金秋云仲玉魄就圓值此日之龍堆益增
佳麗非昔年之雁塞惟助淒涼聊卽景以拈題用
寓懷而展興體成七絕詩各一章

嶺頭月

侵人夕靄怯衣單是處川原近廣寒却似今朝東嶺上

嫦娥雙手奉金盤

平湖月

平湖淼淼望無窮
鏡樣圓規印碧空
何異洞庭微葉脫
鷗波激灩鯉魚風

磧中月

笛裏關山牧馬嘶
秋聲秋色總詩題
誰知此夜中庭月
曾照當年戍卒啼

檀廬月

鈴索欄邊憶桂花垂垂金粟幾枝斜結璘獨不孤詩約
依舊光明映綠紗

中秋夜作

東岡出較遲露立意何為但是秋中月那無即景詩看
從峰口吐延得樹頭移塞景清如此秋思動者誰

塞雨

塞雨灑深秋清吟興邈悠遙峰青乍掩空宇白如流收
馬聲全息虞人火未收蒼茫烟靄意恰似凭江樓

度林霑落葉拂鳥濕輕翰沙磧渾無垓蹄涉畧有濶却
迷千里翠微覺一番寒贏得羶廬暇拈題興未闌

意行

意行騎馬徐馭婆塞山磧水來參我忽上層峯下視雲
如泛千里凌風舸潦收澗口汲冷泉葉脫枝頭摘殘果
松厓雨後綠髯張楓岸霜前赤霞鎖縈青繚白含大虛
乾端坤倪豁甜間更從天外眄遙尖點點烟螺殊破碓
飛來靈鷲只虛名似對雄風言堀堞應接無暇足吟拈

千仞岡頭凝慮坐今朝御鳳小遊仙
洪崖右拍赤松左
曠觀契妙所得多謂予從禽聊復可

曉月

過望月就匡大明引朝暾寒光尚欲流
素影直可捫中秋
倏已徂撫景懷高奔
谿霜點清冷巒烟互吐吞
西宇不忍傾隱隱留纖痕

即事

忽捲朝嵐露嶂屏芙蓉面面佛頭青
瀑飛天半徐聽處

疑是東陽水樂亭

紫翠繽紛萬狀奇
停鞭攬結恰移時
有情詩思無聲畫
誰為山靈一寫之

繡壁

繡壁雲開當面時
是他是我費尋思
若云他我原無二
碧眼胡僧笑汝癡

讀書效朱子體

丁卯

古人曾有言力學如行路
設不進一步即為退一步高

秋駐行宮清暇鮮幾務耽書有宿緣娛此深山暮即景
自體驗未覺勝前度踟躕生愧慙空復尋章句

行漏

塞北燕南隨境別風晨雨夜報時同因之悟得相應處
只在尋常不怠中

涼

塞雨能增冷秋山不障寒馬蹄輕可試鷹羽勁思搏隼
草將霏白巖楓欲作丹總催秋稼納農慶築塲寬

曉行

曉行亘驛路
衿衣侵峭涼
愛此晨曦殷
離離白露光
馬度阪莎濕
風拂崖荔香
山田銅雀鳴
秋稼如雲黃
誰云地利遺
墾植彌遐荒
究不免饑寒
翻以增徊徨

新月

西宇遙看掛玉弓
中秋數

上聲

日未云中已勝十一月中

月普照三千空外空

椒風荔影共徘徊
疑是仙家白玉臺
漫說錢塘潮好看

萬山齊赴湧金堆

朦朧烟樹夜齋清
借助遙村雙杵鳴
會得前秋詩境界
太虛何物惹閒情

沈家村

前歲沈家村他處歟
秋比較好今歲沈家村
却同他處登萬寶
安得遍海宇皆似沈家村
早曠可肩潞可洩五
穀常獲孳雞豚村內老翁抱其孫
憮然獨不喜蹙眉相與言
三時勤農實已憊遠近俱收向誰賣

塞山

塞山紛合沓遠近望中分
有樹都張錦無峰不範雲
馬前橫黛影空際疊螺紋
孫綽天台賦邛如大塊文

雨

塞雨灑涼秋山雲湧似流
輕寒增幕底野水漲谿頭
牧馬嘶聲壯飢鷹側翅愁
命車傳罷獵聊學魏文侯
止頓就平崖千廬次第排
攻車雖有制漸石亦堪懷
楓嶺滿紅葉蘭皋潤綠荻
消閒惟殿裏書史作生涯

晴

急雨如飛晴亦速
袷衣馬首頻生涼
擘雲朱鳥天中景
朗照千峰紫翠光

椒風

謾謾椒風壯商聲
果是商入林驚落葉
隔嶺淡晨光藉
草金霑露純綿且禦涼
吟成聊紀節屬賦讓歐陽

八月初十日對月有作

東嶺漸徘徊流光朗
磧臺弓弦將欲滿
桂樹若為栽五

日何須盼中秋依舊來棘闥相照處遙企得真才

曉行即景

夜雨釀晨寒曦輪隱峰半旋旋暖光吐林樾增輝絢露
重馬蹄濕巒迴鳥道轉曠谷捲千幕野火騰餘爨氣壓
不能升結作白雲片始穿雲際出忽據雲上看乃知嵐
靄竒總自人意幻攬轡立斯須清吟紀所見

中秋即景

豈誇朗朗與昭昭大漠淒清天沈寥萬里陰晴同此夕

千秋吟賞逮今宵
繅紵急管聲翻闌
檻室藤牕興自饒
莫更翠峰升極頂
嫦娥那許便呼招

叠舊歲中秋帖子韻并令梁詩正蔣溥和之

有序

羲和轉歲仍當少昊蕭辰塞磧宜秋
恰值望蟾佳節眄側峰與橫嶺都歸
朗照之中更荔露而蘿烟總助廣寒之
景單椒止頓萬幕雲披蘭殿稱觴干
秋山對歡同中外翠爪并花餅分頒
澤逮與儻原鹿與澤麋遍及又何必中
庭地白歎秋思之誰家

塞外草衰感邊聲之四起者哉因思鸞殿綵帖創
自去年便教步韻連吟用酬今夕縱非彤墀瑣闥
陪屬車者越有鄒枚何妨摘藻拈豪居右座者莫
期司馬爰成首倡各進載賡

風清月白好秋閒應節吟詩不可刪底事今宵輪見早
此山高外更無山

嫦娥還守一輪光彷彿風吹桂子香今夕三條銀燭下
萬人昂首眄雲匡

帖子宜春例可師堆盤瓜餅入新詩偶拈舊韻蘊帷裡
不異秋風太液池

籟是仙韶松是樓廣寒法曲讌中秋便教即景龍堆畔
也勝徵詞玉殿頭

曉月

泣露淒風碧漢陞寒光偏共曉光披莫嫌規影將虧半
不讓團圓三五時

蕭疎涼影落楓楸白處微知澗水流西嶺不教飛度速

應緣回首惜中秋

大漠四更山吐月秋風八月馬嘶晨前年詩景分明在
瑩目清光不染塵

山雨

山雨斜飛馬上看崿峰浴翠樹湔丹冥濛作勢霏林霧
倏忽奔流漲峽瀾麥隴菜畦方沐澤氈廬布帳漫愁寒
清吟別有關心處萬慮何能一憾歡

閱本口占

此豐彼歉總難同
物理人情豈易窮
只有孜孜勤政意
無分塞外與宮中

霜

塞垣先識冷
白露早為霜
度草無留綠
霏林不約黃
蕭森餘夜氣
熠燿晃晨光
鴻雁偏知信
南飛叫數行

山市行

海客談蜃樓
絳宮明滅杳難覩
齊人詡瀛洲
三島荒唐無處所
豈如山市擅奇觀
惜乎初未聞之古
秋山行旅

舊曾圖烟樹蒼茫知幾許水氣嵐光同一如爰為標名
詩以譜雁塞龍堆萬嶺盤風清霜白九秋序曉星初上
殘月明寥天將曙朱輪吐停鞭絕頂少徘徊山腰蒼蔚
纔一縷非烟非霧復非雲如嶽如樓更如櫓須臾變幻
滿空白幾點金焦露齟齬翠柏丹楓時隱現陡壁懸崖
互容與乍合條離難捉摸馬騰波赴誰部位如從雲海
泛騫槎咫尺琳宮並瑤圃谷神游戲有是哉畫家留白
此鼻祖

暖

侵尋軟暖變輕寒，柳尚拖青楓半丹。因識秋光留避暑，

木蘭行獵畢將迴
驛駐避暑山莊

從教涼意別興安。風緣谷曠全非峭，

天為山疏漸覺寬。菜園蕎畦均倍獲，農功南望頓生歡。

九月朔日作

夜雨漲野水，曉風驅絮雲。驛路九秋景，客鞭涼露晨。鹿柴有人家，烟火東西鄰。塞行將及月，聞雞意却欣。萬里玉關外，憶彼長戍人。

村行

山田收罷圃場盈
拍拍時聞耒板聲
一路好秋經飽看
思量不負驄鞭行

蔭槐環柳柴扉接
背嶂臨溪板屋重
不道古來征戍地
家家水碓熟冬舂

老翁曝背繞兒孫
莫笑田家老瓦盆
東舍炊烟引西舍
後村流水到前村

韭圃松畦生意足
豆棚瓠架葉聲乾
從容茅店浴終歲

迤邐蘭衢破曉寒

點綴霜華白石津
華門隱映靜無塵
隔林却見青帘颭
便有尋廬問酒人

婦織男耕長作計
雞鳴犬吠鎮相聞
即看邊外閭閻富
百歲熙和豈易云

即景

萬嶂自縝紛中峰獨出羣
紅霏殷露葉白重護霜雲漲
影懸崖落剝聲古寺聞詩人
易看待點筆與平分

一嶺界雙水雙流匯一溪問誰為布置莫與識端倪野
鳥呼名異山田納稼齊侵鑣寒氣重滿谷霽烟低
素節淒清裏秋山來往中賞心隨所遇拈詠詎從同樹
耐微霜綠峰銜落照紅豁然無點翳寄興在長空

振擇行

山莊迴蹕林猶綠一夜霏霜幻何速兼以谷風颯沓
之振擇須臾萬山禿鹿叫榛烟失所藏幽禽下樹鷗
殘黃平湖貼貼如湔錦奚必三湘七澤傍宛轉忙飛

更問妾憶六年前曾詠此同時賡者存歿半况茲薄
質胡可恃

雨

戲成一
韻體

剛覺詩題少山靈送雨霏應緣留宿宿便與駐駢
駢崑崙峰無滓迎階菊有馥晴開雲嶽迴畫境是
耶非

曉行

寒峭霜蹄重長村復短村意行供攬結到處足難

豚度寺聞清磬停鞭愛曉瞰石田租稅少無慮吏

敲門



欽定熱河志卷二

欽定四庫全書

史部

欽定熱河志卷

三至五

詳校官編修

臣曹城

檢討

臣

德生覆勘

總校官舉人

臣章維桓

校對官編修

臣勵守謙

謄錄監生

臣曹洪梁

欽定四庫全書

欽定熱河志卷三

夫章三

御製詩

示七弟及諸皇子

己巳

汝曹讀書久茲命隨時巡詎云事嬉遊吾意良有因

祖制不可忘勉繼在後人汝觀此稼穡勤哉勞萬民汝觀
彼部落何以來相親乘馬汝安逸僕役殊苦辛深宮汝

豐裕部屋多宴貪見獵可悟學射鹿應懷仁絜矩汝其
覆大旨斯畧陳

即景

洞房雲館皆依舊前歲今朝頓不同我是逌愁來此地

近作早桂詩有塞遊
兼擬逌神傷之句翻教即景惹憂忡

中元夕放燈

烟光露色早秋天望夕冰輪滿意圓例事孟蘭傳梵唄
便看朔塞放燈船照巖霞錦驚眠鹿貼浦雲葩綴敗蓮

千古詩人吟不盡湖山風月總無邊

山中雨景

山莊駐蹕逢秋雨淨滌餘炎益晚禾行旅何曾愁且怨
農夫祇覺舞而歌

朶雲剛見吐遙峰雨不崇朝膏澤濃好待晴明詠新景
萬山濯出紫芙蓉

點經塞樹聲偏壯籟度山樓氣忽寒却為空濛宜縱目
添衣還倚石闌干

鹿避濕依深樹立魚噉漚傍碧荷浮金官權被山靈擅
幻得新秋似杪秋

題蔣溥寫生即用其韻

露玉風金塞景清秋花待客發幽榮拈來迦葉不禁笑
問去愁含無定名細朶含颺銀麝艷斜枝暝水錦粧明

師承家法閒圖出

溥父廷錫向曾扈
圖山花以進是圖仍舊稿也

駕塞外
右相

丹青有後生

張若澄塞山欲雨小幅

西嶺吐雲東嶂合蒼兮纔間復潏然從知墨戲傳王洽
意在空濛作雨前

雨後

雨後泉聲壯風前樹態狂洗空萬里碧變候一番涼谷
靄凝朝潤秋花散晚香向來無此景始快宿心償

偶成

低樹以為惟高樹以為幕山鳥不驚人選枝山果落

即事

雲裏峰姿開錦繡風間松籟韻笙簧乍當日午微嫌熱
便忘清晨尚怯涼

野水無心東復西間雲不繫高忽低蹊花露滿知蛩樂
岩柏月明遲鶴栖

憲間坐愛峰迎面樹下閒來鹿乳見羽客若求不老法
應於此處劖靈芝

波光不讓琉璃淨嵐翠常如帷幄浮數日幽探清興足
明朝去賞塞垣秋

曉行二首

背指雲莊碧巘標
輕寒微遞素秋朝
兩山抱谷行十里
一水縈流渡廿橋
常喜村墟聞犬吠
不教父老訝雞翹
精藍猶在翠微裏
只許鐘聲林外飄

漩渚迴環白石磷
蒼蒼露芷更烟蘋
源頭自是新過雨
渡口旋看暴漲津
通野望中全入畫
問程行處那生塵
所欣高下豐收定
纔得茅簷鮮歎貧

涼

昨夜西風力一夜更氣候衾枕已覺寒晨起山颼驟策
馬歷蘭衢露光白如玖叶華黍被山田西成實云富乍
思日可愛胡尚隔東岫出谷朱鳥騰仍此婪暑晝塞垣
無定節妙理得時狩咨彼羲和氏何以副敬授

策馬

策馬山椒復水隈玉鞭斜軔不須催灌園村吏籬邊接
獻鹿虞人林外來黍秀奄觀高翼翼蕎花重喜白皚皚
常年此處秋成好一倍秋成見此迴

山中村

數家茅屋亦稱村
六畜兼宜乳字蕃
樺木高排成虎落
豈花斜蔓隔羝樊

揀田隨意墾山上
避賦成羣到塞中
縱是漏卮聽亦得
丈量底更命司空

塞上秋

羣山糾紛水抱環
水如玉白山霞殷
豈是東王公幻戲
由來商令司金官
椒風蘿露將鳴鹿
重著棉衣意不足

吳江楓冷已太遲巫峽秋高較應惡
楓景偏覺稱人心

特是林泉効靜深三十日佳看易過

塞上行園以三十日為率

廿首

詩成未入吟

舊作生秋詩廿首未曾及塞上云

秋晚

巖嵐谷籟清秋晚西春半隱雲標巘
旌門射罷適餘閒

帷宮何必遜林苑
憲虛几淨堪逍遙
燈明千幕無喧囂

年年武帳渾如舊
憮然忽念前春朝
我是逌愁遊塞上

近作有塞遊兼擬迌神傷之句

翻教即景生恨悵
堯峰偏解惹人愁
火

迫丹楓纈遠嶂

止頓

止頓宣傳休獵騎
紙窗贏得曉秋閒
封章昨日剛批閱
無事今朝飽看山

夜雨連明霏細絲
因教停憩衆情宜
乍分忽合雲容幻
低昇高峰畢獻奇

擅廬布帳繞營開
須傍山隈避水隈
泥濘莫愁供億缺
牛車伊軋趣墟來

霧氣離披欲放晴山容紫翠又新更侍臣試問枚臯侶
今日清詩幾首成

間

塞雨因成旃室閒豈惟容膝亦怡顏面山臨水如違者
落葉秋風復此間愁入舊懷遮莫遣詩成結習未全刪
誰云良止真能止試看雲中幻黛鬟

晴

塞雨滋秋野金風助快晴翠巒新沐濯紅日越晶明草

色猶含馥溪流乍咽聲底須慮泥滑牧法馬蹄輕

牧法者牧

得其法也凡馬春忌水秋忌草馳驅之後必繫至深夜汗落而後飼馬則馬益壯而無蹉跌之虞此之謂得法

山中

山中秋日勝春日木葉微脫精神出更餘淺綠與深紅拂以涼颼衆響逸瀚然吐雲萬態幻詩不能工畫停筆待圍澤地時憩留撫松藉草坐石頭子陵垂釣景宗獵各適其適心悠悠我遜重華希有志木石與居鹿豕遊
文嘉疎花冷蕊小幅用畫間題者韻四首

野草間花遍谷香誰教冷蘂綻旃堂當秋乍看冰心白

破臘全欺磬口黃

右文嘉

塞山那有藐姑姿携得行滕軟玉肌消暇不教開牖看

恐防朔吹十分吹

右周光

小金山閣俯灤江曾貌疎花入月窻

近於喀刺河屯行宮小金山閣中曾

畫寒梅一枝並成詩云興來點筆開生面宛見冰姿窻外斜

今日真梅端在目翻嗤

布鼓不成腔

右王穉登

花常不落蘂常開笑我無能引綠杯有子停雲真未往

無妻和靖儼重來

右居節

八月朔日作

金雞臨仲月玉衡指星虛曠谷武帳間單椒商籟嘯怡
神向神邱勅幾凜幾餘西成近遠嘉平秩懷差舒而胡
黯然傷徃徃悲來予前歲景目中排遣仍紛如

霜

向北日以寒逐漸添衣裳朝來履中庭地白霏輕霜巖
楓並纈丹甸草將變黃呦鹿已爭鳴虞人喜欲狂塞外

姑聽之遲早異時光春秋記殺菽內地為災傷

聞京師西成豐稔喜而有作

今年春夏秋三時時雨時暘無不宜近自畿輔遠滇粵
麥收普稔秋堪期新秋發駕臨塞外奄觀銍又猶待而
意謂晴雨協一月千倉萬箱獲無疑果如所望出望外
而況塞外尤倍之江淮之間微苦潦百分一二纔毫釐
惟恐向隅深望澤先事撫恤命所司京兆露章奏豐稔
欣觀詎止飫已飢歎為

天責豐

天佑此實我職奚容辭作詩匪云誇亨豫任重道遠紓遐

思

閱本

綸閣封函驛騎馳豈因遊獵急疇咨心殷籲俊其難矣

政在養民每念之所幸題章鮮速議

批各省奏報災傷皆該部速議此雖

舊例實寓勤民之義為逢秋稔適惟時深虞豐豫渝乾惕思日孜

孜勉敬寅

秋字

秋字本寥廓塞旻益曠間雲歛蔚藍迴清光鵠日懸崇
邱欲倚杵高處不勝寒遐睎一騁懷傑池俯衆巔案衍
舞波濤瀏莅非絲絃可會不可著無色聲界天

移頓六韻

逐水頻移頓

止頓必擇水草之地以便衆也

曾無廿里賒

以行園每日移營不過十

餘建營今似昨取勢正還斜壘或多因舊

凡木蘭內止頓處率因其

舊寬無須更加

亦有尋舊寬而炊者

賣蒸原有市換馬要增茶

以人

所騎瘦馬換蒙古肥馬再
加以茶布之類即可得

內外奚分界休和久一家朝

程迴首望烟散滿林霞

不廢

不廢吟詩習字常欣跋馬登山身勞未始非逸心靜覺
有餘閒

新月

八月五日

一鉤宛見生西宇十日猶遲正滿輪自是中秋勝常月
未中月便有精神

漢邊斜拂淅微明
借助龍沙景色清
林外窺人渾是舊
誰能此際暫忘情

雖寒不濕光盈手
未滿將圓意逼人
消得遲眠風露下
目窮西嶺更逡巡

烟火全無朗磧臺
巖枝澗葉夜光皚
絕塵佳景吟難盡
可惜詩人鮮到來

霞

塞山易雨晴亦速
金風西北吹林麓
璚雲滿空去何方

幾縷惟餘繞峰巘夕暉返照成落霞色雜丹楓紅菽菽
翻壁何須待入江齊飛或見來孤鶩晶熒晃朗蒸赤城
不火而逢陸渾谷

張若澄關城疊嶂小景

巖關白界列峰青乘障當年據勝形便是昨來經過處
雲山迴望意為停

夕

曠野暮雲收寒光黯欲沉風如矜朔塞月已競中秋颯

景供澄觀陳編契靜搜匪云誇博覽愛與古為謀

兩

塞雨剛逢止頓時羶廬點滴入清思暗迷遠嶠鹿呼侶
斜掠平林鵲選枝無盡寒光偏對戶幾多涼意忽侵帷
迢遙南望關心處恰值秋深種麥期

雪

山靈幻戲能剪水展新雪景又如此雪景從來我最耽
何況塞山清無比塞山幾度舊曾來玉粧粉飾逢今回

樊川詩與營邱畫未若真界天然開丹楓翠柏條池露
嫦娥耐冷守顧免司天妙算此間窮却待新晴吟積素

晴

新晴虎帳暢吟看積素龍堆果大觀朱鳥已烘一谷暖
玉山猶勒兩峰寒更添喬柏千尋翠未改疎楓幾葉丹
今日成詩真可和何殊六出點朝冠

旃室拈題憶保陽興飛白戰韻鏘鏘

丙寅十月自五臺
迴蹕於保陽道中

過雪做蘇軾聚星堂
體凡四疊原韻云

試看畢獻山靈技莫怨新添旅客

涼入畫無舟休訪戴烹茶有婢底慙羊千林日上開生
面白玉屏蒸紫翠光

疊前歲中秋帖子韻并令扈駕翰林等和之

有序

向以中秋佳節適近萬壽慶辰桂筵繼介社傳觴
綵服猶延禧具飾歡騰中外對佳夕而賡祝嘏鴻
詞時際熙和巡朔塞亦詠宜秋彩帖自去歲遭安
仁之感每登樓傷貞觀之懷況乎

大安奉處顧瞻缺侍几良速值茲令節相於俯仰憶脫

簪舊侶斯誠憾矣能不愀然然而虛擲良宵抑亦
難抒夙恨是以名言戒其一徃梵帙喻以六如興
盡悲來固其數也悲過興繼又復宜之維時玉宇
開金風霽則見鴈行虎拜環幔城而呼九如於以
雁磧龍沙望蟾宮而臨十五屬車扈蹕粵有騁妍
抽秘之儔大漠矢音宛成弄月吟風之地例依前
歲句各新裁

評量今昔值清閒萬慮誰能一例刪囑付中秋玉輪月

照予千載塞垣山

無滓精神不濕光
澄觀只合一鑪香
繁絃急管從來厭
底藉名言疏讀匡

帖子宜秋我作師
每教塞景艷新詩
昨來積素溶金液
新沐秋蟾出玉池

高處為居便是樓
今年雁磧不孤秋
東山凹處鋤峰畔
彷彿嫦娥笑點頭

中秋即景

磧風拂拂夜光流滿意氷輪見舉頭此際素娥應耐冷
今年玉塞又信平聲秋無須對景翻思舊不必臨池更倚
樓極大圓中圓魄度何曾痕跡著些留

暖

積雪皚陰磴暖氣蒸陽巘霏微細雨零條忽朝霧卷金
烏晃楓林生色畫屏展重裘欲換棉豈是朱明轉山中
候無定和仲詎能辨隨時愛景光此間興不淺

塞中即景

風清月白仲秋天問景龍堆漫驪鞭碧宇沈寥雁書字
蒼巖嵒嵒鹿呼烟山陰雪凍山陽雨谷尾溪喧谷口泉
日日意行頻得句霜林真比曉春妍

崇邱作鎮鬱壇曼萬派千支勢拱攢碧澗似擎圍嶺腹
白雲為旆裊槍竿試看秋景如春景端是木蘭勝上蘭
一月行程詩遞詠嘉陵粉本不殊看

塞山夕景

哨鹿宜曉夕復宜虞人技懽無不為平岡獵罷合夕哨

我亦因而姑聽之下春荏苒落西嶺疎星寥亮天四陲
丹楓翠柏纈遠嶂忽隱繁縟惟參差須臾參差復全隱
萬化冥合心神怡遠瞻燎火指歸路曲尋淺水渡野溪
偶然一試古人語佳景乍得聊成詩

雨

塞雨又逢止頓日山靈有意示神奇設非親見誰能信
告未曾來人定疑

前朝霏雪今朝雨塞上寒暄曉暮殊贏得閒情摹杜老

底將經世問堯夫

打幕頻聽浙瀝聲石漸月離驗輿情猶欣供億隨營足
敢井山墟列布棚

添些紅樹明晨景展却新圖此際閒秋彌將完促歸轡
留看塞上米家山

山村

按轡度山村富秋觀次第往來一月間五穀已登備棲
畝有餘糧納圃無隙地山田租賦薄茅屋俯仰遂此心

慰始定額手洪鈞賜伊余有後思古今人殊致耕九而
餘三既富教斯繼是道豈非要行之貴無事苟其不得
人匪愛乃實害叶莫如今蚩蚩各自為生計所願錫屢
豐何虞民不治屢豐豈可必孜孜勉祈歲

覽熱河井邑之盛知

皇祖煦嫗之深即目九秋斷章三首

萬家烟火較前增

皇祖詩云聚民至萬家
今則不止於萬儼成大邑矣井邑紛

填有賣蒸可識

聖人弘愛育山莊小試有明徵

避賦避災離里閭

熱河本無土著率山東山西之民遷移來者然總不出此二事

墾原

墾隰藝桑麻慙無為養因無禁

遷移而來者豈非惰民然內地戶口日增今有

塞外可墾之地則亦聽之而已故不事丈量督察也

中外由來久一家

蚩眩喧聞列肆聲高樓縱目玉旻清有秋市物翻增價

近利人言却至情

此間惟米價最平而他物無不增價者詢之市人則云陽歲來巡吾儕趣

此獲利此雖無厭之

談而實人情所有

山中杪秋

烟雲朝暮變紫翠
樹楓兼籟動風滿
谷波澄月一奩景
深素秋杪興寄碧
峰共無盡藏真界
取之豈礙庶閒窻
日影上書室足清
光誰謂山林內而
無翰墨香芸編堪
汲古菊節待重陽
入畫相應處千峰
卷一房

暖

皮衣脫却換棉衣
塞外秋暄見所稀
真對黃花堪落帽
坐看紅葉稱褰幃
人家烟火催時暖

烟火多則地因以
暖熱河向為寒地

今則頗似
關中矣
沙漠風霜限地
違幽贊洪鑪誰復識

神虞當日協璿璣

夜雨

春霖慮或少秋霖慮或多惟有杪秋時多少無不宜

叶

萬寶既告成冬麥恰始播

叶

山莊茲駐蹕夜雨占天和

廉纖窗外聲庭樹想婆婆更無愁漸石此景實可歌伊

余較雨暘年來熟研摩特喜杪秋雨供賞無虞他勤民

家法貽祈歲理則那追惟

當日心此際應如何

曉起

閒雲數片當晨散
落葉一庭比昨添
涉獵詩書覽秋景
山莊隨意足清恬

曉起

庭樹烏聲出曙窠
披衣試問夜如何
挈壺已報晨星少
擁帚誰嫌落葉多
遶戶山嵐輕送冷
入窻池影漸增波
報章未至心餘暇
拈得清詩一晌哦

晴

辛未

秋山易雨亦易晴金風奏爽天宇晶此時消盡閒籌度
禾乘香中旅騎行

山月效韋應物體

向暝羣山陰入夜諸籟靜惟有清秋月徘徊弄寒影寒
影入我懷我懷與月佳天容既澹廓露氣滋芳荻相望
有餘意何異遊蓬萊

山雨

山雨霏空送嫩涼烟絲極目益蒼茫中元明日傳停蹕

漸石長途諒不妨

谿流

谿流勃雨後雨止流亦止勦襲為學者奚以異乎此

中元日放河燈

碧空雲散夜清妍解讓秋蟾初度圓雅合山莊陳節物
較羸江國鬧燈船千枝朗徹巖邊樹萬朶輝交火裏蓮
漏下松齋歸靜憩依稀颺景似前年

涼

塞野度行旃新涼馬首前近山嵐氣峭拂草露華鮮催
穀登場候報人宜獵天欲詢民疾苦村墅且停鞭

山雨

一片秋雲吐萬絲山雨縈塞垣經已慣立馬待天晴

曉月

曉月清可憐塞天益寥朗上下泉箔明隱映林扉敞遙
峰似玉臺古鏡大於掌勒馬據崇椒聊結廣寒想

讀書

張廬萬山裏展卷一牕下是有深味玩輒不忍罷博
覽謝彼能體認肯自借匪誇乙夜勤值此清秋暇

繡壁

夏山蒼蔚冬山槁惟有秋山稱恰好恰好秋山孰擅勝
塞上峰巒出類表案衍神局姑弗云壁立萬仞凌參昴
霜降不遲還不早茈虎枝葉渲葩藻紺黃纁絳間青翠
天工設色非人巧益之盤桓食苹鹿雜以絃管啁林鳥
朝嵐夕靄呈變幻千態萬狀難窮討解衣磅礴恣關生

過雲錦繡工杜老似是山靈有宿約每起予思於金顥
沈德潛進南巡詩章並所和詩至再疊舊韻賜之

塞山七月似三春竭詠賡章意倍親恰好清秋此氍毹

又逢南國彼詩人功稱德頌曾何益吏習民艱要並陳

節相老來還喜事為卿特地答筒筠

德潛居鄉每命督撫代進奏摺詩章

是為適高斌代為奏至木蘭行營故云

忽憶勾吳清麗春底須南北較疎親重吟迎蹕篇中句

似有捉刀牀畔人

南巡諸作原難為工德潛老矣亦不必以是為工所進三十章似出代作

因深知德潛手
筆故戲及之

百二十章心窟蘊

所和詩百二十六章則皆德潛所作非他

人所到

甲乙丙夜案頭陳靈巖阿那青楓坂問爾孤登可

藉筠

霜

白點霜華增曉寒翠峰勾出許多丹機絨妙趣當前悟
繪事原應素後看

即事

即事摘詞亦可歡發清機不礙秋寒無塵雅似江南美

有地惟應塞北寬
紅纈翠扶壁萬仞
沙繁石絡澗千盤
儻教借得西湖水
處處吳山足大觀

新月

魄彩吐寒空中
秋月未中塞光偏
覺異恒質迴難同
結念香聞桂遊睇
影颺楓玉臺高倚
鏡奩帕半猶蒙

暖

出哨剛逢暖

木蘭哨鹿之區或
即謂之哨地云

皮衣易絮裳穀場歌歲

稔菜圃慶秋長村景觀無盡予懷慰莫量浙東方告歉

南望為去聲民傷

張宗蒼山水畫

避暑山莊題句

驛使傳來山水圖
山莊著壁作清娛
蒼蒼寫出遊神趣
徃徃逢於跋馬途
石罅泉聲動亦靜
雲涯峰色有還無
不難結撰成溪壑
誰解如斯味道腴

疊中秋帖子詞韻命翰苑諸臣和之

秋中令節從來歌咏之場
塞外靈臺自昔豫遊之地
此時此處寧可漠然載倡
載酬堪云暢爾遂令

廣寒法曲音連三十年前肯教翰苑鴻詞格遜四
朝詩後萬家烟火隨民便而無改

堯模千畝山田報歲豐而有愉

任顧雕瓜繪餅塞垣節物增佳抹月吟風山莊慶宵莫負
底須五字輕嗤宋玉老兵仍叶七言可效韓偓內
翰莫嫌頻韻聊紀一時

風月湖山卅載間今朝歌舞不宜刪姮娥也似添豪興
早上璇霄映碧山

最滿水輪異樣光
巖楓皆作挂枝香
高低樓閣湖羸聖
上下淪連瀑學匡

鄒枚扈從集師師
便合賡吟帖子詩
翰苑從來紀佳話
鳳毛還在鳳凰池

依巘軒齋近水樓
此間不易值中秋
他年試覓新題句
應在千峰最上頭

中秋即事

慶月真宜避暑莊
樓臺高下朗寒光
一輪久照輝蓬閣

億載如恒祝

壽康不遣絮雲翳空宇早扶蟾魄上東岡野潭瀲灩金波湧何必平湖更憶杭

野店

野店居安忘寄寓

塞外居民多齊晉各省流寓者

貧民生計自為謀漫

詢公賦如何納且喜山田薄有收虎落編柴防夜逕魚梁疊石截寒流稔秋村景方生慰轉念南邦又益愁

雨
壬申

塞雨灑蕭秋繁聲入夜稠輕寒來覺驟婪熱避如流蕎
菜皆資潤豆禾未畢收怵怵繁遠念畿內得霑不

涼

一嶂巖牆能爾為颯然涼氣馬前披由來不藉秋官令
直欲輕移造物時野水渡人心為怯曉烟食店目因遲
生衣兩日更綿絮境與情遷乍可思

八月朔日作

夜雨釀晨寒午暄柏秋熟山莊駐清蹕遼待玉輪足

將于

此度中秋
始進木蘭

問政勵憂勤
劬農常度卜
關內近優霑
僅及
資菜菽
夏中希大有
此志實欲速
孤望得小稔
畧可濟
惇獨惇獨難
遍濟如傷此
焉忍

霧

全入嵐烟忽滿庭
騁眸乍失遠山青
濛濛衣濕非飄雨
惟覺巖花發野馨

新月

中秋初度月近塞
此迴看恰好生
銀漢依然映玉欄
入

懷真是潔盈手不妨寒詎肯孤佳景留攀桂樹團

暄

農父有常諺秋長喜倍深雲頻霜避菜日燥暖依林未
可拋紈扇何妨濯峽琴山中足清暇無數協時心

疊中秋帖子詞韻仍命翰苑諸臣和之

有序

湖山有奇遇亦待其人風月無盡藏恰當今日若
夫龍堆雁磧南方曩視為畏途而茲御苑仙莊翰
林羣稱云佛國樂樂利利敢忘經始

文王語語言言載奉無疆

壽母峰姿波態都覺秋清寶月慶霄適如人意徵詞選律
勝彼眺蟾望鵲之為錫爵頒饗惟是合樂聯情之
舉蓋經五作仍續四章

倚樹吳剛不耐閒繁柯取次著修刪數枝恰向仙莊落
便覺天香滿塞山

端正輪規朗潔光挂宵無物不舍香綠杯銀管休孤負
簷際徐移輥漢匡

恩科萬壽試京師倜儻伊誰玉局詩且共從臣賡綵帖
好看磧魄徹滄池

徘徊真是倚瓊樓風物今宵繼昨秋法曲梨園渾厭鬧
玉簫水調按歌頭

中秋夕

玉塞廣寒宮人間迥不同近天惟直北出海便昇東盈
手光堪掬入懷情自通輕雲如解事故與作朦朧

涼

靈山能轉候嵐氣送晨涼楓染通紅葉露凝騰白霜獵
人欣逐獸農叟慶登場別有宜詩景遙峰續紫黃

風

微風亦覺豪直北氣偏高裂葉千峰露吹林萬竅號雲
頭斂陰翳水面捲波濤蓬草曾無礙飛揚任爾曹

山邨即景

蘭衢侵曉點繁霜馬上羊裘尚覺涼日出旋烘一谷暖
黃綿襖子遍田莊

築場納稼先

去聲

幽風南北寒暄協紀中多是晉齊流寓

客安居朔塞故鄉同

刀耕火種遍良農不讓楓榆占碧峰誰道石田率荒鹵
年年頗覺有秋逢

連延東崦復西鄰遮莫桃源此隱淪三十年前曾過者
却云初祇數家人

意行

意行初不較涼炎馬上成詩信口占薄霧卷空開岫障

微風拂澗揭泉簾霜華怯日融融減續葉隨程旋旋添
北望木蘭秋猶近起予興在遠山尖

霧

塞山幻戲何爾奇白棉彌谷乾闥移履高若低隱乍現
障近成遠東疑西城郭臺觀舉彷彿蜃樓海市非人為
或如王母降玉輦或如木公駐葆旗張公五里裴三里
鶯鳩何異榆枋枝日中霧鬱條歸岫千巖萬嶺明傑池
旋覺皮衣著體暖

塞山霧後
必晴而暖

生風耳後花驄馳偏伍彌

縫有節制曾無一騎隍中迷南人行船北人馬有能不

能難強其肩輿得得來翰苑

蔣溥汪由敦皆南人不習騎以肩輿從故藏及之

縱觀卒愕相嗟咨爾亦何必相嗟咨為吾走筆為新詩

雨

靈境蒸雲易為霖亦太奇又逢洗山雨正是罷園時谷
漲羊腸水林湔鶴頂枝
蘆開牖坐何必道催詩

覽本口號

報豐為喜報災愁愁喜無常似轉流只有愛民些子志

寸田千載惻然留

曉月

猶是中秋月應教日日憐
四更東壁上半魄白榆邊
鴈過蘆鋪水鹿鳴楓護烟
清遊達明發塞景愛霜天

即事

田車古之制宵雅宣尼采
但以施之今原獸孰容待
設復遇山嶺銜橛且致殆
豈昔僂俟羣不奔復不駭
格物有所窮此理殊難解

王良羞詭遇邳陵多弗為守正何必強當恐人莫知宋
襄惜二毛傷股其奚辭夏侯論樂毅迂迴難通宜枉道
莫從彼正理日月垂無權乃賊義差謬爭毫釐盡信不
如無孟子自言之

讀史記隨筆

有序

遷史始自黃帝類皆網羅舊聞其世職卓才則備
見於漢興以來諸紀載所謂千秋良史信無愧焉
壬申秋彌塞上率以寅往哨鹿及晡罷圍虎帳幾

餘輒快讀終卷因掇漢君臣事蹟關於治亂者紀之他不復及畧分世代隨得即書不為詮次云

葉定闕中治已周山河帶礪建諸劉小嫌何足傷親誼櫟釜翻為羨頡侯

指示功人第一宜所嘉更在舉宗隨鄴侯劍履登朝日可憶鮑生進策時

善罵無妨仍好士一時割愛重鬚眉恢宏大度有如此豈係留侯計出奇

借箸前籌纔數語漢家基業肇千年趣銷趣刻如兒戲
從善端知若轉圜

販繒屠狗自嬰樊附驥恩流逮子孫撫拾成編端委具
却因他廣備為言

三議堂堂建宋昌大橫吉兆應重光文休景養培元氣
何異周家成與康

五利文成疊受封公孫纔見大人踪惟應駕海神鞭石
一節還教讓祖龍

故衣獨步越丰姿
俛泣低頭恨可知
尹亦自饒真藻鑑
褚先生論更堪思

田實相傾勢利關
灌夫引重為居間
却因杯酒媒深禍
首鼠輾駒盡腆顏

數竒受誡部書催
豈大將軍特忌猜
責簿勿身人盡惜
殺降應悔有由來

鈎弋雲陽遇暴風
娥姁輦禍實無窮
少孫漫許為賢聖
豈是千秋定論公

一文一質變相生陳粟相因露積羸
黷武求仙平準創
炎劉治亂此分明

九月朔日作

玉塞宜秋山金鷄屆季月窪稜丹漸
稀寥迴藍益蔚霞
標蕩光幻峰峯時出沒菊節應指日
何必黃花發登高
於此佳逸興已先勃

霜花

塞草著霜花迷離入望賒幻堪參
富貴詩更憶薰葭火

迫鹿鳴野寒傳雁落沙結珠憑少女蕭寂轉紛華

塞山雲海歌

我曾澄海樓頭望溟渤髣髴蓬萊方丈銀宮闕又曾吳
山之側觀潮來似神而非者三真幻哉方意天一之靈
無並比乃今塞山重見此世間何事不有偶造物安能
外斯理秋旻星斗歷落懸策騎曉陟崇岡巔萬山足底
纔分色須臾兜羅綿現疑湧波浪相連延乍合乍散倚
五岳何奇何怪吸百川章亥盧敖詎極屈豐隆巫女方

昂軒鞠陵朱鳥為弭節陽城神石無須鞭於馬游跼蕩
之顥氣駕方廣之石船探萬斛鮫人之珠摩十丈玉井
之蓮信壯哉其樂志笑癡矣而求仙詩成將以寄德潛
為詢黃山畢竟何如焉

沈德潛有黃
山雲海詩

新月

中秋西去又生西依舊秋光銀漢低待滿輪規爭數日
擬搏鏡影乏長梯山高月小情真到樹直烟橫望欲迷
試想嫦娥經浩劫幾迴循轉可容稽

習字

繩室就窻暉經箋趁手揮力應嗤木強妍復戒豐肥消
此清閒晏澄來繹思微曾聞得爭道聊亦悟行圍

九日

重陽會有百迴攬勝崇山創且豪自是開天此度節
恰成隨地可登高設筵詎必萸簪帽陟巘剛欣楓點袍
斜日射熊歸帳殿便因餘興一揮毫

村行

塞外人烟集寒威漸不侵

天地之氣自南而北口外嚴寒之地今以人烟輻輳率較

前為暖云

秋深林尚茂俗厚詎能任殺畢農無事畋餘鹿罷

尋連村見高廩稍足慰吾心

咏鏡

行幄供清鑑依人片月空塞山還越水些子不留中

山店

山店零星不成村防虎縛落聊植援徙薪曲突取室溫
是中聚首長兒孫蓬頭垢面蔽短禪懸瓜積茭家計論

大都流寓內地民山田無賦賴安身安得廣廈吾心存
堯舜猶病復何言

即目

月似軒轅鑑山如玉鏡臺足寄千秋興何須計往來

欽定熱河志卷三